


# LUKAUTIM YUMI YET LONG SUNAMI

## SUNAMI EM I WANEM SAMTING?

Sunami em i kirap blong solwara taim igat bikpela seksek i kamap aninit long solwara. Ol dispela seksek i ken kamap taim:

- Strongpela guria i kamap
- Graun i bruk aninit long solwara
- Mauten paia i pairap aninit long solwara



Em i hat tru long givim ol tok lukaut kwiktaim insait long PNG taim sunami i kamap insait olsem long Bismarck Sea or Solomon Sea, long wanem ol i save spid tumas.

## REDI LONG TAIM NOGUT BLONG SUNAMI

1. Luk save long ol han rot bai yu bihainim sapos sunami i kam.
2. Luk save long wanem hap i safe long go. Ol hai graun o maunten antap moa long 20 meta long arere blong solwara em i rait hap.
3. Redim liklik samting olsem radio, torch, batri, marasin, kaikai na wara stap sambai blong karim wantaim long taim nogut blong sunami.

## OL LUKEAVE BLONG SUNAMI

1. STRONGPELA GURIA.
2. OL SENIS BLONG SOLWARA ARERE LONG NABIS.
3. BIKPELA NOIIS OLSEM KILAUT I PAIRAP blong sunami yet taim em i kam klostu na laik bruk arere long nabis.

## SAPOS SUNAMI TOK LUKAUT I KAMAP

1. Go kwiktaim tru longwei long nabis. Go insait tru long bus o maunten i antap moa long 20 meta.
2. Sapos igat sans, halivim ol pikinini, ol lapun na ol bagarap lain.
3. Harim toksave long radio sapos sunami bai kamap o nogat.
4. Stap longwei long nabis inap sampela aua i lus o inap ol atoritis i givim tok orait blong go bek.

### Long kisim moa toksave, kontakim:

*Port Moresby Geophysical Observatory  
PO Box 323, Port Moresby, NCD, Papua New Guinea  
Tel: + (675) 321 4500, Fax: + (675) 321 3976  
Email: [pmgo@daltron.com.pg](mailto:pmgo@daltron.com.pg)*

*National Disaster Centre  
PO Box 4970, Boroko, NCD, Papua New Guinea  
Tel: + (675) 301 4700/301 4703  
Fax: + (675) 301 4747, Email: [info@pngndc.gov.pg](mailto:info@pngndc.gov.pg)*